

Wok long Australia long pasin i seif

Infomesen pepa

Seifti em i bikpela samting long wok long Australia.

Long Australia, lo i tok olsem emploia bilong yu (bos bilong yu) i mas mekim olgeta samting ol i ken mekim na bai yu no ken kisim bagarap o sik long wok bilong yu. Ol i save kolim dispela lo olsem wok helt na seifti (WHS) o okiupeseneh helt na seifti (OHS).

Dispela lo i tok tu olsem bos bilong yu i mas i gat insuerens bilong helpim yu sapos yu kisim bagarap long taim bilong wok. Ol i save kolim dispela samting olsem kompensesen bilong helpim ol wokman. Sapos yu kisim bagarap o sik long taim bilong wok, dispela insuerens bai i baim pe bilong haus sik na givim yu pe inap long taim yu ken stat wok gen.

Dispela insuerens i ken helpim olgeta wokman long Australia, maski yu holim temporari visa tasol.

Ol samting bos bilong yu i mas mekim

Bos bilong yu i mas: lukautim helt na seifti bilong yu long taim bilong wok.

Bos bilong yu i... :

- mas soim yu long hau yu mekim wok long pasin i seif o makim narapela man long soim yu long hau yu mekim wok long pasin i seif
- mas makim wanpela man long was long yu
- no ken askim yu long mekim wanpela wok we yu mas i gat spesol laisens long en, olsem draivim kar, krein o foklift, sapos yu no gat stretpela laisens
- mas i gat ol stretpela tul na ikuipmen bilong yu long mekim wok long pasin i seif.
- mas givim yu seifti ikuipmen sapos yu mas i gat ol dispela samting bilong mekim wok bilong yu.

Seifti Ikuipmen

Wok seifti ikuipmen em ol i save kolim pesonel protektiv ikuipmen (PPE). I gat spesol kain ikuipmen long narapela narapela wok. Dispela inap makim had hat, seifti ai glas, glavs, buts, ol epron o iamafs.

Ol dispela samting i mas i stap gut na i mas fit tru long yu. Yu mas save long hau yu yusim ol na yu mas werim ol long stretpela wei.

Sapos yu ting yu mas kisim sampela helpim moa, toktok long bos bilong yu, wanwok bilong yu i gat moa ekspiriens o Health and Safety Representative (HSR) sapos wanpela i stap long wok ples.

Yu mas mekim wanem na bai yu ken i stap seif long taim bilong wok?

Long Australia, lo i tok tu olsem i gat sampela samting yu mas mekim bilong lukautim helt na seifti bilong yu yet long taim bilong wok.

Yu... :

- mas fit stret long mekim wok bilong yu
- mas i stap gut inap long mekim wok bilong yu
- mas mekim ol samting bos bilong yu i tokim yu long mekim sapos yu ting yu inap long mekim dispela wok long pasin i seif na yu no bai kisim bagarap
- no ken spak i stap long alkohol o ol drag o kisim alkohol o mariwana long taim bilong wok
- no ken mekim ol samting inap bagarapim yu yet o ol narapela man long taim bilong wok

Sapos yu no kliagut long ol samting ol i tokim yu long mekim, yu mas askim bos bilong yu o wanwok bilong yu i gat moa ekspiriens long helpim yu.

Yu inap kisim bagarap long taim bilong wok sapos yu... :

- yusim ikuipmen taim i no gat wanpela man i bin skulim yu long stretpela wei bilong yusim dispela samting
- no werim stretpela seifti ikuipmen o i no werim stret
- hariap nating o wokim sot kat long mekim wok
- mekim ol narapela samting i mekim na tingting bilong yu i no i stap long wok (olsem: yusim mobail fon bilong yu taim yu wok).

Long Australia, lo i tok olsem yu gat rait long mekim ol askim long wok em ol i askim yu long mekim na long tok nogat sapos yu ting dispela wok inap bagarapim yu. Sapos ol i askim yu long mekim samting em yu ting em i no seif, stop na toktok long bos o supavaisa bilong yu.

Sampela taim, bos i stap long wok ples em i no wanpela man husat i mas peim yu, olsem long taim yu wok aninit long leba haia ejensi. Sapos yu wok aninit long leba haia ejensi, ol bai i peim yu, tasol narapela man bai i lukautim yu long taim bilong wok. Sapos yu no laik toktok long dispela bos long wok ples, yu ken toktok long leba haia ejensi long wok helt na seifti bilong yu.

I mas i gat wanpela man long wok ples husat i ken bekim ol askim bilong yu long wok helt na seifti - painimaut em i husat tru na hau yu ken kontektim em.

Sapos yu no kliā long sampela samting, askim narapela man long helpim yu.

Wok long Australia long pasin i seif

Infomesen pepa

Rait bilong yu long stretpela pe na long ol kondisen

Long Australia, ol lo i makim ol mak bilong pe daunbilo (minimum wages) na ol samting i helpim yu long stap gut long wok (working conditions). Fair Work Ombudsman i helpim ol bosman na ol wokman long kliagut long ol dispela raits na ol wok ol i mas mekim long wok ples, ol i ken helpim yu tu long painimaut hamas pe yu mas kisim. Fair Work Ombudsman i ken mekim wok painimaut sapos ol i ting olsem sampela man i brukim pinis ol lo long wok ples.

Bilong kontektim Fair Work Ombudsman o lainim moa long ol raits bilong yu long wok ples, visitim dispela websait www.fairwork.gov.au ringim 13 13 94.

Pasin bilong nogutim ol man

Pasin bilong nogutim ol man em i ol pasin bilong toktok o mekim samting planti taim bilong poretim o semim ol narapela man. Em ol i pasin olsem lap nogut long em, tok nogut long em, sakim em o brukim ol samting bilong em.

Ol dispela kain hevi i no ken painim wangepela man long wok ples. Sapos bos bilong yu o wanwok bilong yu i nogutim yu, tokim em long em i mas stop long dispela kain pasin.

Sapos em i mekim yet, yu ken toktok long sampela man long gavman bilong stet o teritori we yu wok long en. I gat lista long pinis bilong dispela pepa. Yu ken toktok tu long Fair Work Commission, ringim 1300 799 675 o visitim www.fwc.gov.au

Yu mas mekim wanem taim yu kisim bagarapim long taim bilong wok?

Wantu, kisim fes eid o lukim dokta o nes. Yu gat rait long makim dokta yu laik lukim. Em inap dokta bilong yu yet, lokol dokta, o dokta o nes long wok ples. Yu ken askim dokta long medikol setifiket na yu ken soim dispela setifiket long bos bilong yu.

Tokim bos bilong yu olsem yu kisim bagarap. Yu mas pulapim wangepela fom em ol i save kolim insiden ripot. Sapos yu inap, traim na mekim dispela samting pastaim, na bihain yu ken go bek long haus. Sapos yu laik narapela man i helpim yu long pulapim dispela fom, askim narapela man long helpim yu. Dispela fom i gat ol askim olsem: wanem samting i bin kamap na hau yu bin kisim bagarap. Dispela i ken pasim ol bagarap i painim ol narapela man olsem samting i bin kamap long yu. ***Em i bikpela samting tru long wokim dispela rekod - em bai kamap as bilong wokim kompensesen bilong helpim ol wokman.***

Sapos yu gat ol medikol bil o i no inap wok bikos long bagarap yu kisim, yu inap kisim kompensesen bilong helpim ol wokman bilong peim medikol tritmen na sapot inap long taim yu go bek long wok. Tingim, wantu tasol, yu mas askim bos bilong yu long dispela samting, na pulapim ol fom bilong kisim kompensesen bilong helpim ol wokman.

Sapos yu kisim bagarap, no ken poret na ting olsem yu bai i kisim hevi, nogat. Maski yu bin mekim popaia, yu mas ripotim dispela bagarap yu kisim na askim ol narapela long helpim yu.

Wok long Australia long pasin i seif

Infomesen pepa

Seklist bilong stat wok

I gat sampela bikpela samting i mas kamap pastaim taim yu laik kirap nupela wok long fes taim. Emploia (bos) bilong yu o narapela wokman husat i save long dispela wok i mas klia pastaim ol dispela samting i kamap pinis taim yu laik kirap nupela wok long fes taim. Sapos yu no kliagut tumas long Tok Inglis, yu ken askim man bilong tanim tok o askim narapela wokman husat i spikim tok ples bilong yu long stori gut long dispela samting long yu.

Dispela seklist bai i helpim yu long luksave olsem yu save long ol bikpela samting long wok helt na seifti, o nogat.

Seklist bilong stat wok

• Sampela man i soim yu pinis hau yu ken mekim wok bilong yu, na sekim pinis olsem yu wok long mekim dispela wok long pasin i seif?.....	Yes	Nogat
• Yu bungim pinis bos bilong yu na ol manmeri yu wok wantaim, moa yet ol manmeri husat i lukautim helt na seifti bilong yu?.....	Yes	Nogat
• Yu save long yu ken askim husat sapos yu no klia long ol samting yu mas mekim o yu nidim helpim?.....	Yes	Nogat
• Sampela man i soim yu pinis ol ples we yu bai mekim wok long en, na soim yu pinis ol entri na iksit poin, ol toilet, ples bilong kaikai na ol hap bilong fes eid?	Yes	Nogat
• Sampela man i tokim yu pinis ol hap yu no ken go long en, na wanem as na yu no ken go long ol dispela ples?.....	Yes	Nogat
• Sampela man i soim yu pinis hau yu mas yusim ikuipmen yu nidim bilong mekim wok bilong yu?.....	Yes	Nogat
• Sampela man i sekim gut pinis yu wok long yusim dispela ikuipmen long stretpela wei?.....	Yes	Nogat
• Yu gat olgeta seifti ikuipmen yu nidim?.....	Yes	Nogat
• Yu save long hau yu yusim na werim dispela ikuipmen?.....	Yes	Nogat
• Yu save long yu mas mekim wanem na yu mas tokim husat sapos yu kisim bagarap o pilim sik long taim bilong wok, na yu save long yu mas kisim helpim na fes eid long wanem hap?.....	Yes	Nogat
• Yu save long hau yu ringim paia stesen, polis o ambulans?.....	Yes	Nogat
• Yu save long yu mas mekim wanem long taim bilong imejensi, na yu save long alam bai i pairap olsem wanem?.....	Yes	Nogat
• Yu save long hau yu mas ranawe long wok ples bilong yu long taim bilong imejensi?.....	Yes	Nogat
• Yu save long yu mas askim husat long helt na seifti bilong yu?.....	Yes	Nogat

Yu bin bekim Nogat long sampela askim? Sapos olsem, toktok long bos bilong yu o wanwok bilong yu i gat moa ekspiriens na bai yu ken painimaut dispela impoten infomesen bilong lukautim seifti bilong yu yet.

Wok long Australia long pasin i seif - Infomesen pepa

Sapos yu wari long sampela samting bilong helt na seifti bilong yu long wok ples, o kompensesen bilong helpim ol wokman, yu ken toktok long sampela man long gavman bilong stet o teritori we yu wok long en. Sapos yu wok long Australian federal gavman ejensi, o long bikpela nasanel emploia, yu ken kontektim Comcare. Yu no bai i kisim hevi maski yu toktok long gavman long wok helt na seifti o kompensesen bilong helpim ol wokman.

Bilong askim ol samting bilong wok helt na seifti, kontektim:

New South Wales

SafeWork NSW

Websait: safework.nsw.gov.au

E-mail: contact@safework.nsw.gov.au

Fon: 13 10 50

Victoria

WorkSafe Victoria

Websait: worksafe.vic.gov.au

E-mail: info@worksafe.vic.gov.au

Fon: 1800 136 089 (fri kol)

Queensland

Workplace Health and Safety Queensland, Office of Industrial Relations (WHSQ)

Websait: worksafe.qld.gov.au

Fon: 1300 362 128

Western Australia

Department of Mines, Industry Regulation and Safety

Websait: commerce.wa.gov.au/WorkSafe/

E-mail: safety@dmirs.wa.gov.au

Fon: 1300 307 877

South Australia

SafeWork SA

Websait: safework.sa.gov.au

E-mail: help.safework@sa.gov.au

Fon: 1300 366 255

Australian Capital Territory

WorkSafe ACT

Website: worksafe.act.gov.au

E-mail: worksafe@act.gov.au

Fon: 13 22 81

Northern Territory

NT WorkSafe

Websait: worksafe.nt.gov.au

E-mail: ntworksafe@nt.gov.au

Fon: 1800 019 115

Tasmania

WorkSafe Tasmania

Websait: worksafe.tas.gov.au

E-mail: wstinfo@justice.tas.gov.au

Fon: 03 6166 4600 (outside Tasmania)

Fon: 1300 366 322 (inside Tasmania)

Commonwealth

Sapos yu wok long Australian federal gavman ejensi, o long bikpela nasanel emploia, yu stap insait long Comcare skim.

Comcare

Websait: comcare.gov.au

Fon: 1300 366 979

Bilong askim kompensesen bilong helpim ol wokman taim yu kisim bagarap long wok ples, kontektim:

New South Wales

State Insurance Regulatory Authority (SIRA)

Websait: sira.nsw.gov.au

E-mail: contact@sira.nsw.gov.au

Fon: 13 10 50

Victoria

WorkSafe Victoria

Websait: worksafe.vic.gov.au

E-mail: info@worksafe.vic.gov.au

Fon: 1800 136 089 (fri kol)

Queensland

WorkCover Queensland

Websait: worksafe.qld.gov.au

E-mail: info@workcoverqld.com.au

Fon: 1300 362 128

Western Australia

WorkCover WA

Websait: workcover.wa.gov.au

Fon: 1300 794 744

South Australia

ReturnToWorkSA

Websait: rtwsa.com

E-mail: info@rtwsa.com

Fon: 13 18 55

Australian Capital Territory

WorkSafe ACT

Websait: worksafe.act.gov.au

E-mail: worksafe@act.gov.au

Fon: 13 22 81

Northern Territory

NT WorkSafe

Websait: worksafe.nt.gov.au

E-mail: datantworksafe@nt.gov.au

Fon: 1800 250 713

Tasmania

WorkSafe Tasmania

Websait: worksafe.tas.gov.au

E-mail: wstinfo@justice.tas.gov.au

Fon: 03 6166 4600 (outside Tasmania)

Fon: 1300 366 322 (inside Tasmania)

Commonwealth

Sapos yu wok long Australian federal gavman ejensi, o long bikpela nasanel emploia, yu stap insait long Comcare skim.

Comcare

Websait: comcare.gov.au

Fon: 1300 366 979

Bilong askim pe na ol kondisen long wok ples

Fair Work Ombudsman

Websait: www.fairwork.gov.au

Fon: 13 13 94

Bilong kisim helpim taim narapela i nogutim yu

Fair Work Commission

Websait: www.fwc.gov.au

Fon: 1300 799 675

Sapos yu nidim man bilong tanim tok, ringim Telephone Interpreter Service long 131 450